



19 MAY, 2024

FELCRA bangun kilang biogas daripada sisa sawit

Berita Harian Ahad, Malaysia



Page 1 of 2

FELCRA bangun kilang biogas daripada sisa sawit

Kemudahan mampu tingkat kapasiti RE kepada 300,000 penduduk luar bandar

Oleh Amir Hamzah Nordin
bhnews@bh.com.my

Jerantut: FELCRA Berhad membangunkan projek kilang biogas bagi meningkatkan kapasiti tenaga boleh diperbaharui (RE) berasaskan kelapa sawit di bawah pengurusan FELCRA Jayaputra Sdn Bhd, di Jayaputra dekat sini.

Pengerusi FELCRA Berhad, Datuk Ahmad Jazlan Yaakub berkata, projek biogas yang boleh menghasilkan kuasa elektrik sebanyak 5.5 megawatt (MW) dan memberi sumbangan bermakna dalam meningkatkan kualiti hidup kira-kira 300,000 penduduk luar bandar khususnya di Pahang.

"Bekalan elektrik berasaskan biogas ini membolehkan perusahaan dan perniagaan di luar bandar beroperasi dengan lebih cekap sekali gus menjana pertumbuhan ekonomi tempatan, mendorong peningkatan pekerjaan dan peluang perniagaan, serta menyokong pembangunan industri dan pertanian.

"Kita yakin usaha ini akan memberi kesejahteraan dan penyelesaian kepada semua pihak ter-



Ahmad Zahid melihat buah sawit ketika perasmian Loji Janakuasa Biogas 5.5 Megawatt Felcra Jayaputra - Cenergi Berhad di Jayaputra di Jerantut, semalam.

(Foto BERNAMA)

utama masyarakat luar bandar yang sentiasa memerlukan keperluan asas seperti elektrik yang mencukupi dan setanding dengan penduduk di bandar," katanya sempena perasmian Loji Janakuasa Biogas 5.5 Megawatt Felcra Jayaputra - Cenergi Berhad di Jayaputra dekat sini, semalam.

Loji itu dirasmikan oleh Timbalan Perdana Menteri, Datuk Seri Dr Ahmad Zahid Hamidi yang turut disertai Menteri Besar Pahang, Datuk Seri Wan Rosdy Wan Ismail.

Manfaat sumber tenaga

Katanya, penggunaan biogas daripada sisa kelapa sawit dapat mengurangkan pembakaran sisa organik dan menghasilkan tenaga elektrik yang bersih dan mampan.

"Hal ini dapat membantu mengurangkan pelepasan gas rumah hijau dan memanfaatkan sumber tenaga yang tersedia secara lokal di kawasan berdekatan kelapa sawit ditanam dan diproses.

"Perasmian loji jana biogas ini memberikan semangat baharu untuk Felcra Berhad mengem-

bangkan penggunaan sumber sedia ada yang lebih optimum melalui kerjasama yang lebih strategik dengan rakan niaga kami yang menghasilkan tenaga lain pula," katanya.

Katanya, Felcra Berhad sudah mula merencanakan usaha untuk mengembangkan seluas 230 juta hektar ladang untuk tanaman kelapa sawit, getah dan produk makanan serta sembilan kilang lagi di seluruh negara dengan melaksanakan pelbagai aktiviti projek hiliran yang boleh memanfaatkan penduduk sekitar.